

西  
征  
紀  
事

長沙甯協萬著

# 西征紀事

蘄水湯化龍題



民國三年七月印行

著者

長沙甯協萬


印刷者

商務印書館

發行者

倫敦探花樓  
各省大書坊  
羣益書社  
商務印書館  
中華書局  
文明書局  
東京巖松堂  
伯林中國學會

定價壹圓伍角



# 序

湖南甯君協萬來遊巴黎出所著西  
征紀事索為敘言以付剞劂余翻眎既  
竟為之首肯者再蓋自悉卑利鍊軌交  
通而後邦人士之跨勃喀湖踰烏拉嶺來  
遊歐西大陸者踵趾恒相接顧其來也或  
震贊外交或調查行政或受一方之委託  
或求專門之學術東傳於官書掇萃於

職務未暇為訪風問俗之舉故記載闕  
如寡君夙具世界觀念勵學而澹于榮利  
棄其所事浩然作行漫遊風雪長途不  
憚艱苦跋涉數萬里往來六七國轍迹  
所至舉夫山川之奇險景物之壯麗以及  
政教風俗之異同莫不詳稽博採筆之  
於書累月以來裒然成帙將以歸餉海  
內使邦人之未出國門者亦得畧識海

外之情狀其裨益於社會者固非淺鮮  
又附錄勸告青年一篇為時俗痛下鍼  
砭獨能扶富強之本原而得其神髓者  
尤實獲我心焉竊君殆不虛此一行乎  
因為誌數語以歸之

民國二年孟冬吳興胡惟德



## 凡例

一本書於未遊以前。得之於地理歷史諸書者有之。於正遊之際。得之於採風問俗報章舌人之助者有之。於既遊之後。得之於追論餘感者有之。但叢稿盈尺。散漫無章。令觀人有厭倦之想。故當留學英國時。藉課暇之餘力。稍加修理。以成今本。

一中國前此遊記。梁啓超氏之作尙矣。然僅及美國。康有爲氏歐洲遊記。則又僅詳於意與法。鄒代鈞氏西征紀程。則又偏陳山川之形勢。薛福成氏四國日記。則亦覺其已古。欲求歐洲各國政教工商風紀道德諸端之最近實情。甚鮮其著。鄙人此作。欲使我國之民。知己之短。知人之長。增進其發奮之心。鼓勵其有爲之氣。故於各國之政治上。教育上。社會人情上。工商業上。種種事實。多引中

國比之時。或加以論斷。出以激烈之語。但觀察文明複雜之國。最難得其要領。况以余之淺陋。時之短促。筆墨之疏腐。其不足值大雅之一噓明矣。然出其所見。以獻同胞。亦國民義務之一端也。於吾黑暗之社會。或亦不無小補。識者諒之。

一 此次馬蹄轍跡所及之地。除中國之外。東則日本。西則俄德比法。英於七國政治。所欲論述尙多。原擬於本書之末。作『七國政治總評』一篇。以費時太久。出版太遲。故卽於各國紀事。略加評論。夫本書以惠中國爲主眼。比利時小矣。未遑多述。德國日本較爲完善。英吉利則尤爲健全。惟法與俄。余多不取。兩國政治之劣點。既挈其大者言之。關於日本國內之紀事。吾國學人著書頗多。惟英吉利之政俗。異日尙當著一專書也。

一 遊記之書。求之西籍。不勝其多矣。然遊人之目的不同。則其記載

間之去取亦異。若中國古人之遊記。非陳宮室之麗。卽言山水之奇。本書則惟關於歷史之地。稍詳。他之無關宏旨者。略之。蓋今日之世界。工商之世界也。故書中屢言工廠。船塢。碼頭。鐵道。商店之事。今日之世界。文明之世界也。故書中屢言道路。公園。學校。梨園。報館。圖書館。諸事。今日之世界。武裝和平。國際競爭之世界也。故書中多言國會。政府。民族。軍隊。槍礮。及海外實業。與拓殖。並外交諸事。


一 二十世紀世界之大事。卽中國問題。中國國民。人人能發奮自雄。則中國強。人人猶苟且偷安。則中國亡。然欲振興國家。必自改良習俗。始。故書中於雀牌。花酒之徒。痛加詆責。蓋望其放下屠刀。立地成佛。卽以渡己者。渡世耳。

一 此書脫稿之後。重遊歐洲大陸。新有所得。未便加入。恐亂全本秩

序也。俟日後著書時。當再錄之。惟關於法國者。間有補記耳。  
民國二年冬


著者識於巴黎學校路之旅社

大連碼頭之舟車連絡




第一圖

日本滿鐵總裁宅




第二圖

大連之日本橋




第三圖

旅順之東都督府




第四圖

千金寨日本之煤礦長宅




第五圖



第六圖

哈爾濱國俄之市車場



第七圖